

wedderropen schall/ Her Baget lat my darvy Delen finden  
wat Recht ys.

Dat Ordcl vormahne ick vor den Dingen Mann/de De-  
len finden wat Recht ys.

Herr Baget/ wil gy dat Ordcl vnde dat Land Recht we-  
ten/dat möge gy dhon / aver veertein Dage wol förder / man  
nicht neger.

So dhoe ick / als ydt my tho Recht funden ys / vnde be-  
rope hir wedder vmb ein ander Lottding / aver veertein Da-  
ge/dat holde vnde hege Gott de de Walt hefft/Ende.

---

Denn list de Schriber vp:

Herr Baget / esschet Hans Kower /

Denn segt de Dingen Baget also:

Hans Kower den essehe ick hir / vor mynes Heren  
Recht / offt dar wol ys van synentwegen / de vor em antwer-  
den wil / de trede vor dat Recht / ick frage dem Weddersprack  
van synentwegen / thom andern mal frage ick de Wedder-  
spracken van synentwegen / ick frage Ordcl vnde Recht / wo  
dick vnde saken dat ick de Wedderspraken fragen schall / dat  
ydt Macht hebben schall.

Herr Baget / dree mal tho Land Recht / so schall ydt  
Macht hebben.

Thom driüdden mal frage ick de Wedderspraken / so dar  
wol ys van synentwegen / de trede vor dat Recht / de vor em  
antwerden wil.

E

Herr